

**Kalaallit Nunaannut peqqussut, inunnut aalajangersimasunut aamma ataatsimoortunut Usama bin Laden-mut, Al Qaida-mi suleqatigiiffinnut aamma Taliban-nut attuumassuteqartunut killilersuinermik isumannaallisaatinik atuutilersitsinissamut tunngasoq.**

UAGUT MARGRETHE AAPPAAT, Guutip saammaanneragut Danmarkip Dronningia, matumuuna uppersarparput:

Inatsit nr. 156 10 maj 1967-meersumi § 1 naapertorlugu Naalagaaffiit Peqatigiit isumaqatigiissutaat isumannaallisaatinut arlaqartunut tunngasoq naapertorlugu, allangortinneqartoq inatsisikkut nr. 228 6. juni 1985-meersukut, matumuuna aalajangerneqarmat, Naalagaaffiit Peqatigiit Isumannaallisaanermut Isumaqatigiissutaat nr. 1267 15. oktober 1999-meersoq, nr. 1333 19. december 2000-meersoq, nr. 1390 16 januar 2002-meersoq naammassineqartussanngorlugu:

§ 1. Peqqussut manna atorneqassaaq suliffeqarfinni aamma inunni, qanoq ilisukkulluunniit atuuttumut inatsimmik unioqputitsisumik aningaasanik pissarsianik inatsisinut naapertuuttunngorsarneqarsimasunit iluanaarutinik aamma peqqarniisaarnernik aningaasalersuineq pitsaaliorniarlugu iliussissanut tunngasumik, Kunngip peqqussutaatigut Kalaallit Nunaannut atuutilersinneqarsimasukut.

§ 2. Inerteqqutaavoq Hvidvasksekretariatip akuerisimanngisaanik aningaasanik atuisinnaanissamik aamma aningaasalersuinermik ingerlatanut akuersissalluni imaluunniit aningaasanik pigisanit, pigineqartunik inunnit aamma tassaasunik qanoq ilisukkulluunniit inuit nalunaarsorneqarfiini atuuttuni Naalagaaffiit Peqatigiit Isumannaallisaanermik Siunnersuisoqatigiivisa aalajangiiffigisimasaani, Isumannaallisaanermik Siunnersuisoqatigiivisa isumaqatigiissutaat nr. 1267 15. oktober 1999, nr. 1333 19 december 2000 taamatullu nr. 1390 16. januar 2002-meersoq naapertorlugu.

*Imm.2.* Paasineqarpat ingerlatsinermik nuussineq imaluunniit saaffiginnissut imaluunniit inunnut attuumassuteqarsimasooq imaluunniit atuuttunut imm. 1-imi taaneqartuni nalunaarsuiffinni ilaasuni, piaarnerpaamik Hvidvasksekretariatimut nalunaaruteqartoqassaaq.

*Imm.3.* Hvidvasksekretariatet sapinngisamik piaarnerpaamik aallajangiissaaq aamma kingusinnerpaamik aningaaseriviup ammaffiata tulliuttup qaangiutinnginnerani, nalunaarutip tiguneranit, imm. 1 malillugu akuersissuteqartoqas-sanersoq imaluunniit arsaarinnittoqassanersoq.

*Imm.4.* Imm. 1 aamma 2-mik unioqputitsineq Kalaallit Nunaanni Pinerluttuleri-neq pillugu inatsimmi § 26 naapertorlugu pillaatissiisoqassaaq.

§ 3. Nunami allamioq, killilersuinernik isumannaallisaatinut, nunamut iser-sinnaatitaanermik killilersuiffineqartunut ilaasoq aamma aqusaarsinnaanernut Naalagaaffiit Peqatigiit Isumannaallisaanermik Siunnersuisoqatigiivisa aalajangersagaa nr. 1267 15 oktober 1999-imeersoq,

nr. 1333 19. december 2000-meersoq taamatullu nr. 1390 16 januar 2002-meersoqnaapertorlugu ilaatinneqartoq akuerineqaqqaartinnani isersinnaanngilaq aamma Kalaallit Nunaanniissinnaanngilaq (isersinnaatitaanermut inerteqqut). Isersinnaatitaanermut inerteqqut atuutissaaq, nunami allamioq killilersuineramik isumannaallisaatinut atuuttunut ilaatillugu. Isersinnaatitaanermut inerteqqut atorunnaassaaq, nunami allamioq killilersuineramik isumannaallisaatinut atuuttunut ilaatinneqarunnaarpat imaluunniit nunami allamioq immikkut ittumik tunngaveqartunik Kalaallit Nunaaniinnisamik akuersissumik nalunaafiqineqarpat.

§ 4. Inerteqqutaavoq nioqquteqarnissaaq, allamut tunniussineq, angallassineq imaluunniit suugaluartoq makkuninnga tunniussineq:

- 1) sakkut, sorsunnermi atortut taamatullu suugaluartulluunniit atortut taak-kununnga assigusut,
- 2) imassat (pequtissat) suugaluartulluunniit,
- 3) qamutit sakkutooqarnermi atortut aamma sakkutooqarnermi atortut,
- 4) tamakkiisuunngitsumik sakkutooqarnermi atortut imaluunniit
- 5) 1-4-mut taaneqartunut atortunut kingoraartissat, inuit pissaat imaluunniit ataatsimoortut § 2, imm. 1, allattorsimaffiit taaneqartut.

*Imm.2.* Inerteqqutaavoq teknikkikkut ikiorsiineq imaluunniit sungiusaaneq tun-niussinernut atasuni, sanaartornerni aserfallattaaliinerni imaluunniit imm. 1-mi taaneqartut atortut inunnut imaluunniit ataatsimoortuni § 2, imm. 1-mi taaneqartuni allattorsimaffinniit atoneri.

*Imm. 3.* Imm. 1 aamma 2-mi isumannaallisaatit danskisut innuttaassusilinnut naalagaaffiup avataaniittunut aamma atuupput.

*Imm.4.* Imm. 1-3-mik unioqqutitsineq Kalaallit Nunaanni Pinerluttulerinermik inatsimmi § 26 naapertorlugu pillarneqaataassaaq.

§ 5. Peqqussut atuutilissaaq Lovtidendemi tamanut nalunaarutigineqarpat.

*Christiansborg Slotimi tunniunneqarpoq, ulloq 16. august 2010*

Kunngiussutsitsinnik Atsiorpugut Naqissusiillutalu

DRONNINGIP AQQANI

FREDERIK

KUNNGISSAQ

/Lene Espersen